



18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

古392
867.1
=6



W 380
857



錢志新編卷十七

雲間張崇懿麗瀛輯

古滇趙

鈐方




明

武宗名厚煉孝宗之子在位十六年改元正德起丙寅
終辛巳壽三十一按帝寵任劉瑾八黨並起雖有以
死報國之韓文猶不能勝奄宦之勢伴食中書何益
哉迨瑾禍甫消帝忽欲自稱為威武大將軍太師鎮
國公朱壽巡邊徧觀宇內滿朝死諫概皆杖斥雖駕
不果行亦大損國體矣宸濠肆叛賴王守仁起兵元

凶就縛帝復假此出巡久駐南京及豹房大漸乃曰
前此皆由朕誤晚矣

正德錢會典曰正德五年命將洪武永樂洪熙宣德
月治與歷代大錢相兼行使審是則仁宗亦曾鑄錢
世獨寡有正德小平錢光幕外有一品幕文作龍戲
珠形者為真錢餘均偽作故皆不錄



世宗名厚熹武宗從弟興獻王之子在位四十五年改

元嘉靖起壬午終丙寅壽六十按帝奉詔至京久旱
忽雨識者知為中興之兆嗣位議禮舉朝沸騰而張
璉桂萼輩遂乘機干進逞私創議進號配天尤可異
者自號長生聖智帝君一任嚴嵩父子招權納賄黨
惡為奸致夏言曾銑楊繼盛諸公俱罹慘死二王不
見薄於父子西苑不返薄於夫婦徒信方士卒殞厥
身四十五年之間其過不鮮也

大明錢會典曰嘉靖六年令曉諭京城內外收積新
錢限一月內盡數赴府縣及兵馬司具呈戶部照銅



價給發價銀新錢卽銷化候大明通寶錢取用食貨
志曰每文重一錢三分





嘉靖當十錢會典曰嘉靖十三年命工部造嘉靖通
寶錢依洪武折二當三當五當十式各三萬文續解
貯庫陶宰曰所鑄至少今世罕覩惟當十一種存世
差多會典又曰嘉靖二十年令照新式鑄洪武以下
至正德九號錢每號一百萬錠五千文爲一錠





嘉靖當五錢此錢銅質如黃金字文獨秀整



嘉靖當三錢



嘉靖折二錢光幕者有之有字者從未之見



嘉靖小平錢此錢亦惟光幕一種



穆宗名載坫世宗之子在位六年改元隆慶起了卯終

壬申壽三十六按帝甫立即釋海瑞於獄中舉直也

贈王守仁爵報功也賜楊繼盛諡旌忠也成鄆懋卿

等錯枉也凡先朝建言諸臣生者錄用死者優恤開

言路也帝之諸政誠甚美矣乃廷杖石星禁錮李芳


內官殺人誣以反坐其失德又何多歟所以天開地

陷男化為女粟生桃李紛紛告異也




隆慶錢會典曰隆慶四年鑄隆慶通寶錢仍令以新

鑄者送戶部發太倉庫量放京官折俸日知錄曰嘉

靖錢最爲精工而隆慶萬曆更加重半銖




神宗名翊鈞穆宗之子在位四十八年改元萬曆起癸酉終庚申壽五十八按帝十齡踐祚政在江陵起海瑞爲御吏用李成梁戚繼光爲總兵知楊時喬李廷機不受詹昉王錫爵于慎行等共濟時艱其政卓然後旋溺志宮闈遲留建儲妖書挺擊幾不全慈孝之恩而好逸好疑諫疏一概留中礦稅紛紛四出東林浙黨水火紛爭不可救藥也惟復建文年號爲善耳萬曆錢食貨志曰萬曆四年命戶工兩部准嘉靖錢式鑄萬曆通寶金背錢及火漆錢四火黃銅爲金背二火黃銅爲火漆又鑄錠邊錢尋命十三布政司皆開局以五銖錢爲准會典云萬曆制錢遵照欽依金背八文准銀一分火漆錠邊各十二文准銀一分有籠惡者罪之又有一品大小如折二錢字極板滯而會典諸書俱未載今世頗多又小平錢光幕外背上有天字公字及一圓圈者



光宗名常洛神宗之子在位未期改元泰昌實即萬曆之四十九年辛酉歲也壽三十九按帝既即位停止礦稅發帑犒邊急先務也封建諸王復爵王昺親親厚矣起先帝所斥言官許相臣內外並用登極未匝月善政不勝書而忽以女婢之御而致疾紅丸之進而寶天選侍可灼之罪其可逆哉


泰昌錢食貨志曰天啟元年帝仰思泰昌年號尙未鑄錢遂命分鑄與天啟錢並行




熹宗名由校光宗之子在位七年改元天啟起辛酉終丁卯壽二十三按帝在御內外惟知魏忠賢不知有帝而奉聖夫人客氏又以妖冶之姿表裏為奸勢全羶附一時忠良戮辱幾盡吳懷賢等斃於杖下周宗

建等斃於獄中逮高攀龍有溺池之慘逮周順昌致
五人之變女子小人不道若此而又加恩三等弟姪
俱廢迨彌留之際尙眷眷以任忠賢爲囑其可謂至
死不悟者也

天啟大錢食貨志曰天啟元年壬象乾請鑄當十當
百當千大錢用龍文略仿白金三品之制於是兩京
皆鑄大錢而民間不便於行其後有言大錢之弊者
乃詔南京且行停鑄且收所鑄大錢發與各局仍改
鑄小平錢按天啟通寶大錢背文有十一兩及鎮十
十一兩密字府字十字又有光幕與對文者





天啟小平錢光幕外背文有新一錢一分工字戶字

院字浙字云字一錢二分字折二錢則惟一星文



懷宗名由檢熹宗之弟初封信王在位十七年改元崇禎起戊辰終甲申李自成攻破京師帝以髮被面自經於煤山壽三十五按帝初卽位而聲色不形立除逆璫實智勇深沉且敬天勤民虛懷納諫宵衣旰食


何以加焉第因瀆生猜緣激成愎然非盡帝過耳要之神祖倦勤嘉宗曠耗元氣潛消盜賊如張李更多慘殺之殃以致民不聊生迨彰義門啟帝卽殉節西山烈也與社稷俱盡義也書襟垂諭勿傷百姓仁也帝豈與古亡國之君可同日語哉

崇禎錢食貨志曰崇禎元年所鑄崇禎錢以五十五文當銀一錢定錢式每文重一錢南都每文重八分初制歷代錢與制錢通行至是始括古錢以充廢銅民間市易亦擯不用蓋自隋世盡銷古錢至又再銷存世蓋無幾矣


崇禎當十錢較天啟十一兩大錢微小而略薄皆光幕者



崇禎當五錢背文穿之左右有戶五監五等字皆以青銅爲之折二錢背文穿左有一二字及穿上一星文者





崇禎小平錢此錢光幕外背文多至數十種單文有
 戶工重應府貴廣局榆茂青汴已新曰季官捌忠等
 字雙文有太平清忠奉制戶川戶白八冬一等字
 不可枚舉茲難悉錄略圖四五品



崇禎馬錢乃崇禎季年所鑄後引光卒用馬士英為


相而亡或曰門下有馬是為闖賊之兆其馬皆在穿
下作跑形俗云跑馬崇禎可以治難產催生



大明通行寶鈔

大明通行寶鈔

壹貫



大明通行寶鈔

戶部

奏准印造

大明寶鈔與銅錢通行
使用偽造者斬告捕
者賞銀貳佰伍拾兩
仍給犯人財產
洪武年月日



右大明寶鈔一貫文考鈔法始於唐之飛錢至宋則有交會金則有交鈔元代錢幣以鈔爲主明太祖定天下始行錢法而民間以爲不便由是錢鈔並用明史食貨志洪武七年設寶鈔提舉司明年詔中書省造大明寶鈔以桑穰爲料其制方高一尺廣六寸質青色外爲橫文花欄題其額曰大明通行寶鈔其內上兩旁復爲篆文八字曰大明寶鈔天下通行中圖錢貫十串爲一貫其下云中書省奏准印造大明寶鈔與銅錢通行使用僞造者斬告捕者賞銀二十五

兩仍給犯人財產若五百文則畫錢文爲五串餘如其制而遞減之其等凡六曰一貫曰五百文四百文三百文二百文一百文十三年以鈔用久昏爛立例鈔法令所在置行用庫許軍民商賈以昏鈔納庫易新鈔量收工墨值會中書省廢乃以造鈔屬戶部而改寶鈔文中書省爲戶部與舊鈔兼行命天下有司官祿米皆給鈔衛所軍士月鹽亦皆給鈔二十二年更造小鈔自十文至五十文是時兩浙江西閩廣皆重錢輕鈔有以錢百六十文折鈔一貫者由是物價騰踊而錢法大壞成祖卽位戶部尚書夏原吉請更鈔板篆文爲永樂帝命仍其舊自後終明世皆用洪武年號然鈔自永樂以後漸積滯不行至隆慶間不用垂百餘年而俸錢尚支鈔如故其後始以新鑄隆慶錢支給官俸至天啓時給事中惠世揚復請造行寶鈔崇禎時有蔣臣者申其說擢爲戶部司務倪元璐方掌部事力主之然終不可行而止蓋自宋金始有交子會子至元而楮幣盛行明祖承之中葉後鈔法廢不復行然近世民間市易多用錢京師與外

省銀錢出入謂之會票是猶用鈔之遺意也此鈔面
背皆有硃印而文字剝蝕其墨刻花紋鈔照樣臨摹
成爲縮本登於是編俾後之覽者藉以窺楮幣之制
度而明代鈔法之沿革與廢皆得以知其大概云

錢志新編卷十八

雲間張崇懿麗編輯

古滇趙

飭方山校刊


明末諸王

應天


福王名由崧神宗第三子福恭王常洵之長子崇禎十
六年嗣封福王甲申三月京師失守四月凶問至南
京參贊兵部尙書史可法等迎立爲帝改元弘光以
高宏圖史可法馬士英等爲東閣大學士可法旋自
請督師江北詔以便宜行事各鎮並聽節制封吳三

桂爲薊國公鄭芝龍爲南安伯黃得功爲靖南伯時
士英柄國薦用其黨阮大鍼等用事一時正人君子
各乞休去士英等賣官鬻爵甚至府縣童生應試上
戶納銀六兩中戶四兩下戶三兩以助軍餉竟赴試
院利之所在搜括殆盡人爲語曰中書隨地有都督
滿街走監紀多於羊職方賤如狗磨起千年塵拔貢
一呈首堵盡江南錢填塞馬家口而王唯深居禁中
日與宦伶串戲飲火酒縱淫幼女爲樂故太子至南
京王不相認敕法司勘問備極五毒囚獄中時

大清兵渡淮猝至揚州福王與士英皆遁去次日至城
下百姓捧太子出降至營豫王離席迎之坐於已右
有頃擒劉良佐至叩首請擒福王贖罪乃追獲之挾
之見豫王王薄之坐太子於其上問何磨滅之狀福
王甚愧江浙既定俱隨北去時乙酉五月二十五日
也後唐王立於福州乃遙尊福王爲安聖皇帝
引光折二錢背文有一貳字



引光小平錢光幕外又有恩字戶字工字及星文再
一種有鳳字者字帶隸體乃馬士英總督鳳陽時亦
曾開局鑄錢以鳳字別之按鄒漪遺聞曰甲申十月
初一日福王命鑄引光錢




福建

唐王名聿鍵太祖九世孫祖端王欲立其愛子囚世子
器墟於承奉司王從之崇禎五年襲位九年復廢為
庶人福王時赦出徙居廣西平樂府福王北去王適
至杭鄭鴻逵等奉王入閩稱監國閏六月丁未自立
於福州陞為天興府立妃曾氏為皇后改元隆武進
鄭芝龍等為侯以黃道周蘇觀生等為東閣大學士
愛芝龍子鄭森材賜國姓改名成功提督禁旅用駙
馬都尉行事按王好讀書博通典故手撰三詔與魯


監國書皆羣臣莫能及開儲賢館定十二科取士以觀生領之兵餉戰守俱芝龍為政撫按以下皆捐俸助餉又有紳助大戶助又借徵次年錢糧察括府縣庫積又大驚官爵部司價銀三百兩後減至百兩武劄僅數十兩倡優廝隸盡列衣冠既而大學士黃道周募兵至徽州被執至江寧不屈死

大清兵過嶺隆武載書數十車奔至順昌將謀入贛王與妃曾氏俱被執妃至九瀧投水死王械至福州死之永明王立遙尊為思文皇帝時順治三年八月二

十一日也初士英大鋌等擁殘兵數千請入關王以其罪不許士英計窮至台州山寺為僧大鋌迎降後因在順昌獲龍扛搜得士英大鋌等連名疏請隆武出關為內應疏大鋌聞信知不免乃投崖死仍命戮尸士英等四人駢斬於延平城下家口悉給兵丁隆武錢有二種大錢光幕小錢背有戶字工字及星文



小唐王名聿鏘隆武之弟順治三年十一月浮海至廣州故相蘇觀生等擁立之改元紹武十二月十五日總兵李成棟兵薄廣州王被擒與周王益王遼王俱被殺蘇觀生自縊死祭酒梁朝鐘太僕霍子衡等死之何吾騶等皆降錢譜曰紹武通寶行書小平錢乃唐王鑄世獨未之見




浙江

魯王名以海太祖九世孫魯肅王壽鏞子初避難在台州乙酉六月原任山西僉事鄭之尹子鄭遵謙同張四維方國安等迎立王爲監國於紹興與

大清跨江相距屢戰不勝又與閩中如水火迭殺使者遵謙攜貲入海時馬士英依棲國安因謀以魯王投降爲入關計乃威逼王南行使兵守之守者病王得脫登海船遁入舟山時丙戌六月十八日也故相張四維從容赴圍池死兵部尙書陳函輝自經禮部侍

郎王思任不食死原任大學士朱大典合門焚死大學士蔣德璟按臣鄭為虹禮部尚書曹學佺通政司馬思理等皆不屈死之

大明錢此錢背文有戶字工字帥字與嘉靖時鑄大明錢形製不同






廣東

永明王名由榔神宗孫桂恭王常瀛之少子初封衡陽以寇亂徙寓梧州兩廣總督丁魁楚廣西巡撫瞿式耜迎至肇慶於丙戌十月十四日稱監國改元永曆以魁楚式耜為大學士總兵李成棟兵薄城下王西避梧州魁楚失去又奔武岡柳州戊子四月復自桂抵南寧成棟反歸王奄有兩粵之地己丑二月成棟歿於陣又抵梧州庚寅十一月梧城大亂沿途如沸式耜衣冠危坐署中適總督張同敞故相文忠公孫崇禎時廕都督





東來見式耜曰事迫矣公將奈何式耜曰封疆之臣當殉封疆同敞曰公言是君恩師義敞當共之遂笑與相飲厥明被執定南王孔有德命幽之別室二人賦詩相賡和至閏十一月十七日斬之是日雷電大發同敞首躍起而前者三離地丈餘衆皆辟易永麻奔南寧入土州嚴起恒等隨行十六年正月三日李定國兵敗於潞江王走南甸覓舟隨行者六百餘人陸行者自岷王子而下九百餘人五月八日王至赭經始知陸行者盡被緬人掠爲奴多自殺惟岷王子等八十餘人流入暹羅定國等屢以兵攻緬索王不得十二月

大清兵臨緬緬人以永明王父子送軍前明年夏四月二十五日死於雲南六月李定國卒於猛獵永麻大錢背文穿上下有壹分二字一品止當五錢大







永歷當五錢背文穿上下有五釐二字




永曆小平錢背文有留輔部國戶工明督及二釐等字又有光幕一種督字者字仿隸體



永曆折二錢其錢皆光幕






又一種永曆通寶錢大小如折二錢有篆文及行書形質不類明錢相傳為嘉靖中島寇汪直所鑄未究是否故即附此以俟博雅





附


李自成米脂人父守忠禱子於華山夢神以破軍星為之子遂生自成性狡黠凶暴善走能騎射旋為盜魁崇禎末遂僭號大順改元永昌據西安秦府為宮後為吳三桂連敗自成奔至羅公山為鄉人碎首而死按永昌大錢當白金一兩次當百錢小平錢皆光幕





張獻忠膚施人爲人陰謀多智殘忍慘酷初從王嘉允作亂崇禎十七年據成都僭號大西改元大順後獻忠聞肅王兵至登鳳皇山望之猝遇一矢而殞或云獻忠見自成敗逡巡不敢復出以病死於蜀中鑄有大順錢又有興朝錢三種乃其養子可望所鑄





欽定新編卷十九

雲間張崇懿麗瀛輯


古滇趙

鈞方山校刊


安南

安南國古稱交阯卽日南西北自交岡而來故曰交阯
 其地東至海西界雲南南界占城北界廣西東北界
 廣東廣一千七百六十里袤二千八百里自唐堯時
 命羲叔宅南交平秩南訛周有越裳氏重三譯來朝
 宋祥符中其王黎至忠爲大校李公蘊所逐僭號大
 越皇帝改元寶象淳熙元年封公蘊孫爲安南國王

安南之稱國始此至明宣德初復爲黎氏所有其國
度分十三道五十二府二百十九州縣所至皆設學
校文人頗嗜古弄柔翰彬彬有華風三年一大比初
試經義次試四六三試詩四試策論會試進士無定
額其氏族如阮裴吳楊陶黃武宋陳程梁胡之屬外
無他姓其地皆淨沙雖跣足無垢其物產多稻無麥
重蠶桑其用官內設閣部卿寺翰苑科道獨御史臺
最重外設承政憲司藩臬郡縣各有正佐非科甲不
得膺京官武職內有五軍都督府各領一軍不相統
屬外有提督留守多以世襲五等爵充之其俗喜以
藥染齒使黑而有光無陰晴皆戴笠見貴人及長者
以脫笠爲敬衣大領之衣色尙白草木四時皆不凋
晝夜無長短稱貴顯曰翁茶翁茶者大官也其大貴
者有轎似車上轎盤足坐或用八人及四人擡之
黎利諡曰太祖在位六年改元順天起宣德二年丁未
終宣德八年癸丑



黎麟一名龍諡曰太宗黎利之子在位九年改元凡二
紹平六大寶三起甲寅終壬戌



黎濬一名隆基諡曰仁宗黎麟之子在位十七年改元

凡二大和史誤作大利十一延寧六起癸亥終己卯為庶

兄黎琮所弑




黎琮號為厲德侯算立九月改元天興即延寧六年也




黎灝一名思誠諡曰聖宗黎濬之弟在位三十八年改

元凡二光順十洪德二十八起庚辰終丁巳




黎暉一名鑑諡曰憲宗黎灝之子在位七年改元景統


起戊午終甲子




黎誼一名璿諡曰威穆帝黎暉之子在位四年改元端慶起乙丑終戊辰為臣下所逼而卒




黎暉一名澄諡曰襄翊帝黎灝之孫在位七年改元洪順起己巳終乙亥為權臣陳嵩等所弑貶為靈隱王大臣阮宏裕等討嵩誅之立其兄之子諱為主



黎諱暉之姪在位五年改元文治一作交治起丙子終庚辰為權臣莫登庸所逼徙居清華卒




黎寧諱之子立五年改元元和為登庸所攻竄占城弟憲立改元光紹凡十五年廉知寧所在乃迎歸清華寧卒又五傳而明亡



附

按莫登庸逐其主篡立凡四年改元明德傳子方瀛改元大正三傳至茂洽黎氏漸強茂洽但保高平一郡四州在北隅之東無城郭以後俱無考




高麗



高麗國屬禹冀州之地本箕子封國號朝鮮後為夫餘別種朱蒙居之始建國號高句驪以高為氏都曰平壤城其地東西二千里南北一千五百里後闢土益廣合新羅百濟為一東南至六千里以新羅為東京百濟為南京平壤為西京凡三京四府八牧郡四十二州一百十八縣三百九十鎮三千七百洲島等凡十二級國分五部曰內部及東西南北四部民呼王曰聖上私謂曰嚴公后妃曰宮主士以族望相高以

柳崔金李四姓為首無宦者用世族子為內侍尚釋教見尊者則跪應必唯以趨為敬立各反拱行各搖手拜則曳一腳父母及夫喪服三年兄弟三月殯於家三年而後葬初以米布貿易不知鑄錢後始學鼓鑄其文曰東國通寶東國重寶海東通寶海東重寶三韓通寶然其俗不甚行也徐兢高麗圖經曰廣化門東南即鑄錢監也他貨皆以物交易唯市藥則錢海東錢雞林類事曰海東錢有通寶重寶之文有真行篆三種制作頗精並徑九分重三銖六參

東國錢有通寶重寶之文泉志曰徑寸重三銖四參




朝鮮錢按朝鮮自晉永嘉末陷入高麗至洪武初李成桂篡立遣使朝貢詔以高麗仍號朝鮮則朝鮮錢當是洪永以後之錢也而今所有者色甚古




日本

日本國在海東之東與儋耳相近去中國一萬二千里水陸凡三千里地方古稱倭奴國唐時始習夏音惡其稱以近日所出乃更名日本自謂泰伯之後其王以天為兄以日為弟俗好文字重儒雅知卜筮尚浮屠法官有十二等以大小德仁義禮智信為紀人多壽考地膏腴氣溫暖五穀獨無黍交易用銅錢文曰乾文大寶其王皆以院稱有堀河院鳥羽院後鳥羽院龜山院一條院二條院冷泉院嵯峨院朱雀院高

倉院四條院深草院後深草院土御門院等號皆曰
天王大抵宋元以來之稱也所鑄有和同開珍神功
開珍萬年通寶隆平永寶皆徑寸重五銖隸書又有
慶長寬永長德久安正元等錢
輪同錢此錢今所存者輪字只作和同文讀同字在
左泉志曰徑一寸重五銖




神功錢此錢今所存者作開寶功字在左亦同文讀



慶長錢寬永錢朱竹垞東鑑跋云日本慶長十年即
明萬曆之三十二年寬永二年即明天啓二年又徐
太史中山傳信錄云琉球奉日本正朔亦鑄寬永錢
幕文有文字製最精妙又有光幕及佐仇仙長足小
元久等字者皆不及也




延喜錢長德錢久安錢正元錢四種諸書皆云日本國所鑄光幕



高昌

高昌國卽漢車師前王庭也其地出赤鹽如硃白鹽如
 玉多蒲萄酒至其國從武威西北有捷徑度沙磧千
 餘里可到其所鑄之錢文曰高昌吉利唐貞觀中命
 侯君集等討滅之俘其君智盛以歸盛弟湛有子昭
 好學嗜書頗工文藝得時名焉又宋太平興國中王
 延德使其國及還敘水程以獻其地出礪石剖之得
 寶鐵謂之喫鐵石鷗鷺鳧雁之類極多地甚熱每盛
 暑人穿地穴以居飛鳥羣萃河濱或飛起卽爲日氣

所鑠而死泉寶錄曰高昌錢光幕錢極厚重乃高昌國所鑄未知出於何代



錢志新編卷二十





雲間張崇懿麗瀛輯

古滇趙


鈔方山校刊

無考古錢


鎖子錢洪氏泉志曰徑一寸五分重七銖穿正圓無輪郭如半兩之狀李孝美曰此錢銅色純赤俗稱為鎖子錢又曰神農錢十品方穿




大泉五銖背有星月文疑出五季以後



平當五銖洪志曰徑九分重三銖肉郭夷坦當字湮漫




續銖舊譜曰形製頗類五銖其文在曰續右曰銖



明月錢洪氏泉志曰此錢徑九分重四銖二參製作鏤


薄形質簡古外無輪郭背文明徹




異文錢洪志及孝美曰此錢徑寸二分重十銖面有二

字不可識肉好有周郭背夷漫如半兩又一品徑寸


文稍異或曰是遼夷書天贊二字



大治錢文曰大治通寶大治二字楷書通寶二字隸體



皇元錢景元錢文皆曰通寶形製相類




開和開定二錢色甚古文皆曰通寶字仿開元體甚肖



保泰錢泰德錢文皆曰通寶楷書背上有星文




金圓世寶錢此錢字帶八分書銅色赤疑是外夷所鑄




永盛錢文曰通寶幕文穿右有一巳字



隆基錢文曰隆基通寶楷書光幕



明定錢文曰宋寶明定二字楷書宋字篆文寶字八分




昭統錢文曰通寶背文穿下有中字正字
穿左有山字又見光幕者



元平錢政平錢文皆曰通寶楷書光幕銅色甚舊



寧民錢建國錢文亦皆通寶楷書寧民錢寶字作宝



平安錢此錢平字楷文安字行書通寶二字則隸體



大世錢世高楷書大世二字甚濶大通寶二字小




永壽錢文曰通寶有真行書二種精工者甚少




元聰錢文曰遵寶光幕元寶二字隸體聰遵二字草書




福平紹符二錢篆文皆曰元寶以赤銅為之光幕




寶永錢楷書文曰通寶製特精好銅質字畫通利德永




仙臺錢此錢輪郭俱帶方皆鐵鑄字亦細



盛德錢楷書文曰盛德通寶字極工緻



宣觀錢其錢宣字則篆文觀通寶三字精好通竹大觀




廣和錢此錢篆文曰廣和通寶以赤銅為之



郭字錢此錢輪郭好穿左一郭字右一字如花押光幕




崇明錢文曰崇明通寶楷書寶字帶隸體




景興錢此錢隸篆皆曰通寶真行書則有巨寶永寶重

寶泉寶順寶內寶之寶大寶等字背文有山南山西
及中工京三字者又有穿左右作二夷書者不能悉

錄略圖數種於右




藕心錢泉志曰此錢有四種有重一兩三錢者有重一兩二錢者有重一兩者及重二錢半者特大者少而小者多據賈客云俱是俄羅斯及回部混入中國



蟻鼻錢洪志謂上狹下廣背平面凸長七分濶三分重十二銖鈔按此錢俗名鬼臉錢面文類哭字蓋古人

窳窳用以鎮螻蟻也 固始縣志期思出螳鼻錢每

於雨後沙礫中得之世傳楚相孫叔敖所製



馬錢


龍媒錢此錢半面作馬形半面左右有龍媒二字蓋良馬之名也重二錢方孔在馬腹之中




望雲錢陸南軒曰望雲言馳驟之速可日行千里也一面作跑馬之形上下有望雲二字一面光幕方穿




長鳧錢一面作馬形一面向右有長鳧二字方穿



汗血錢續泉志曰此錢一面為馬形一面向右有汗血二字乃漢時大宛良馬之名重二錢方穿



魚目錢此錢一面作馬形一面有魚目二字又有對文




飛黃錢此錢兩面皆作馬形上下有飛黃二字按飛黃
卽毛詩之乘黃也方穿



烏騅錢一面作馬形一面光幕圓穿重輪俗稱霸王錢
又名烏騅錢在馬錢中最薄小重只七分



拳毛錢陸南軒曰拳毛馬代宗賜郭子儀者故稱令公
馬錢一面作馬形一面上下拳毛二字圓穿



千里錢一面作馬形左右有千里二字一面光幕方穿


錐封錢一面作馬形一面上下錐封二字又見作追風者



赤兔錢一面作馬形一面左右有赤兔二字



右秦將白起蜀將馬超錢



右梁將張彝元將嚴德錢




右紫麟黑驢錢




右綠耳白驥錢



右流星錢



右德勝錢



趙光錢一面作馬形一面左右有超光二字




要裊錢一面作馬形一面有驪裊之馬四字方穿



右燕將樂毅趙將廉頗二品錢幕作人騎形此皆打馬

錢也以銅為錢樣共有五十四枚上刻良馬名布圖


四面以骰子擲打之見事物紺珠




宋李易安布宣和打馬圖其自序云打馬有二種一種一將十馬者謂之關西馬一種無將二十馬者謂之依經馬各有圖經惜圖譜不傳亦未載及所打之法致令好古者疑而未決也畧識數品以俟博雅者考証焉

壓勝錢

陰陽神靈錢明朝小史云英宗北狩時每筮決於山西全寅屢驗及復位召官之辭不受乃鑄陰陽神靈錢十萬賜之字畫物齒重二錢有二種




五兩大布錢背文有龜蛇星劍及雙劍人物等形不一



雙鳳錢泉志曰徑寸二分重六銖輪郭厚重光幕

錢一



龍鳳錢此錢徑九分重三銖九參面作龍鳳之象背有四人各執刀楯之狀




雙魚錢泉志曰此錢徑九分重四銖五參面文為龍鳳

盤繞之形背有雙魚相向




日有萬陪錢陸南軒曰一面作權黃白之象而稱鍾中有一意字蓋取稱心隨意而已一面日有萬陪四字



軒轅錢顧烜曰此錢徑一寸重五銖面文為北斗軒轅之象背為龍鳳矛盾之形俗謂之北斗星錢

田蠶萬倍錢此錢一面田蠶萬倍四字一面作鹿形蓋亦取祿在其中之意重一錢九分



永安五男錢李孝美曰徑寸二分背面皆四出粟文面

永安五二三字篆文男字真書背有生肖等形不一




天下太平錢李孝美曰此錢大小不等有徑寸重六銖有徑八分重五銖者背文有作四人持兵之象又有水浪紋及九子之形面皆曰天下太平



又一種一面左右列二人下有犬上有日雲之狀一

面左右夷漫似人形上有花朵下有若鑪者色甚舊



右醉仙錢正面左右列男女二人男紗帽半墜似醉形女凝

然端坐下有杯盤仙桃上有醉仙二字背面有五言絕句

末字剝蝕飭按晉書阮籍常醉眠鄰婦側烏紗帽半墜與

此符合此錢係皖桐吳春波於道光二十三年在河南孟

津黃河岸邊石縫間得之銅質精美蒼翠斑斕制作古雅


非近代所能造借榻摹入亦可脩金石之談助也



右長年太寶錢按宮閣記未央宮有宣明長年温室昆

明四殿又唐書禮樂志玉牒以通意於天或祈長年

錢文蓋祈年意也




右一品仿五銖制文曰五銖穿上下顛倒橫書君宜侯王四字猶詩稱宜君宜王耳





右定生貴子錢按公羊傳子以母貴母以子貴則貴子其說已古非近代語也



五男二女三公九卿錢見錢錄





右傳形半兩錢面背皆無輪郭左曰兩右曰半兩字或從人或從十若紙背傳文字皆反寫漢時鏡銘款識往往如此劬按西清古鑑列此品於漢武帝條下



劬按半兩錢最大者秦鑄也次者漢高后鑄也小者漢文帝鑄也外各傳形半兩大小不一秦漢皆難臆

斷要皆半兩之別品不必區分其時代此數品銅質
堅良青綠斑斕故附於其後



1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

